



**MINISTRIA E DREJTËSISË
DREJTORIA E NDIHMËS JURIDIKE FALAS**

MANUAL

**SI TË PËRFITOHJË
NDIHMË JURIDIKE
FALAS**

TABELA E PËRMBAJTJES

Çfarë është ndihma juridike falas?	5
Kush përfiton nga ky shërbim?	5
Çfarë shërbimesh ofrohen?	7
Kujt mund t'i drejtoheni për të përfituar nga ky shërbim?	9
Cila është procedura që duhet të ndiqni?	11
Si mund të na kontaktoni?	13

1 ÇFARË ËSHTË NDIHMA JURIDIKE FALAS ?

“Ndihma juridike” është shërbimi juridik falas i cili garantohet dhe financohet nga shteti për të gjithë individët, pjesë e kategorive vulnerabël dhe/ose me të ardhura të pamjaftueshme të cilët nuk kanë mundësi t'i drejtohen një juristi apo avokati për të zgjidhur problematikën e tyre ligjore.

Është mision dhe detyrë e shtetit të mundësojë aksesin në drejtësi (të drejtën për të përfituar shërbim ligjor falas për këta individë) duke mbrojtur të drejtat e tyre themelore Kushtetuese.

Me qëllim përmbushjen e këtij misioni, me hyrjen në fuqi të ligjit nr. 111/2017, **Ministria e Drejtësisë** ka ndryshuar strukturën e sistemit të ndihmës juridike të garantuar nga shteti duke krijuar tashmë një institucion të veçantë, të dedikuar për këtë qëllim. Ky institucion, **Drejtoria e Ndhmës Juridike Falas**, në bashkëpunim me institucione të tjera shtetërore/ partnerë privatë (kombëtarë dhe ndërkombëtarë), mundëson ofrimin e ndihmës juridike përmes juristëve/avokatëve falas për individët të cilët nuk e përballojnë dot pagesën e një juristi/avokati.

2 KUSH PËRFITON NGA KY SHËRBIM ?

Nga ky shërbim përfitojnë shtetasit në kushtet e pamundësisë ekonomike (me të ardhura dhe pasuri të pamjaftueshme) si dhe kategoritë vulnerabël, të përcaktuara si vijon:

Pamundësia ekonomike

Nga ky shërbim përfitojnë të gjithë ata shtetas të cilët janë në kushte të pamundësisë ekonomike, dhe kanë nevojë për një shërbim ligjor (këshillim/orientim ligjor apo përfaqësim në gjykatë).

Që shtetasit të jenë përfitues për shkak të **pamundësisë së tyre ekonomike**, ligji ka përcaktuar disa kritere, konkretisht:

- Të ardhurat e një personi, i cili jeton në një familje, konsiderohen të pamjaftueshme, nëse të ardhurat në total të të gjithë pjesëtarëve të familjes, të pjesëtuara për numrin e anëtarëve të familjes, janë më të ulëta se 50 për qind e pagës minimale mujore të përcaktuar sipas legjislacionit në fuqi.
- Të ardhurat e një personi, i cili nuk jeton në një familje, konsiderohen të pamjaftueshme, nëse janë më të ulëta se niveli i pagës minimale mujore të përcaktuar sipas legjislacionit në fuqi.
- Nëse një person, i cili jeton në një familje, kërkon ndihmë juridike dytësore për një çështje kundër një anëtari tjetër të së njëjtës familje të ardhurat e këtij personi konsiderohen të pamjaftueshme, nëse janë më të ulëta se niveli i pagës minimale të përcaktuar sipas legjislacionit në fuqi.

** Gjithashtu, përveç kriterëve të mësipërme, personi nuk duhet të ketë në emër të tij pasuri (të luajtshme/ të paluajtshme përveç banesës së përbashkët familjare e cila nuk përfshihet), që tejkalojnë vlerën e 36 pagave minimale mujore sipas legjislacionit në fuqi.

Përveç kriterit bazë (pamundësisë ekonomike), ligji ka parashikuar dhe një

kategori të veçantë të cilët përfitojnë nga shërbimet ligjore falas pavarësisht nëse e përmbushin apo jo kriterin e pamundësisë ekonomike.

Kategoritë vulnerabël (përfitues në mënyrë të drejtëpërdrejtë)

Që shtetasit të jenë **përfitues në mënyrë të drejtëpërdrejtë, pavarësisht të ardhurave dhe pasurisë së tyre** ligji ka përcaktuar disa kriterë. Individit në këtë rast, mjafton të vërtetohet që bën pjesë në një prej këtyre kategorive:

- Viktimë e dhunës në familje;
- Viktimë e abuzimit seksual;
- Viktimë e trafikimit të qenieve njerëzore;
- Viktimë e mitur;
- I mitur në konflikt me ligjin;
- Fëmijë në institucionet e përkujdesjes shoqërore;
- Fëmijë nën kujdestari, të cilët kërkojnë të nisin një proces pa miratimin e kujdestarit të tyre ligjor ose kundër kujdestarit të tyre ligjor;
- Person me aftësi të kufizuar dhe të verbërit;
- Person me probleme të shëndetit mendor;
- Person, përfitues i skemave të mbrojtjes sociale;
- Person, të cilit i është cënuar e drejta nëpërmjet një veprimi që përbën diskriminim, bazuar në vendimin e organit kompetent.

3 ÇFARË SHËRBIMESH OFROHEN?

Ligji për ndihmën juridike parashikon tre forma/ lloje ndihme ligjore për qytetarët:

- Ndihmë juridike parësore;
- Ndihmë juridike dytësore;
- Përfshirje nga taksat dhe tarifatat gjyqësore.

Forma e parë e ndihmës ligjore apo ndryshe (Ndihma Juridike Parësore),

është ai lloj shërbimi ligjor i cili konsiston në:

- dhënien e informacioneve në lidhje me sistemin ligjor të Republikës së Shqipërisë, aktet normative në fuqi, të drejtat dhe detyrimet e subjekteve të ligjit dhe metodat për ushtrimin e këtyre të drejtave në procesin gjyqësor dhe në atë jashtëgjyqësor;
- dhënien e këshillimit;
- dhënien e këshillimit mbi procedurat e ndërmjetësimit dhe zgjidhjeve alternative të mosmarrëveshjeve;
- dhënien e ndihmës në hartimin dhe përpilimin e dokumenteve të nevojshme për të vënë në lëvizje administratën shtetërore ose për të kërkuar ndihmë juridike dytësore;
- përfaqësimin përpara organeve administrative;
- dhënien e të gjitha formave të tjera të mbështetjes së nevojshme juridike që nuk përbëjnë ndihmë juridike dytësore.

Forma e dytë e ndihmës ligjore apo ndryshe (Ndhima Juridike Dytësore),

është ai lloj shërbimi ligjor që ofrohet për problematikat, zgjidhja e të cilave mund të realizohet vetëm **nëpërmjet gjykatës apo prokurorisë**. Kjo lloj ndihme ofrohet nga avokatët e licencuar nga Dhoma Kombëtare e Avokatisë. Personi, me anë të avokatit falas i drejtohet gjykatës apo prokurorisë për zgjidhjen e çështjeve apo problematikave të çdo fushe (civile, penale, administrative).

Gjithashtu, personat që mund të përfitojnë nga kjo formë e ndihmës juridike mund të përfitojnë përjashtim nga:

- **Pagimi i tarifave dhe shpenzimeve gjyqësore** (shpenzimet për dëshmitarët, ekspertët, përkthyesit);
- **Parapagimi i tarifës së ekzekutimit të vendimit** pranë shërbimit përbarimor gjyqësor shtetëror.

SHËNIM

Për të përfituar nga përjashtimi për pagimin e tarifave të përmendura më

lartë ju mund të kërkonti ndihmën e avokatit falas të caktuar i cili do t'ju orientojë në plotësimin e formularit të kërkesës për përjashtimin nga pagimi i tarifave/ shpenzimeve gjyqësore.

4 KUJT MUND T'Ë DREJTOHENI PËR TË PËRFITUAR NGA KY SHËRBIM?

Për të përfituar ndihmë juridike PARËSORE ju mund të drejtoheni pranë:

- QENDRAVE TË SHËRBIMIT TË NDIHMËS JURIDIKE PARËSORE janë zyra të ngritura me qëllim ofrimin e këshillimit dhe dhënien e orientimeve ligjore falas.
- KLINIKAVE TË LIGJIT PRANË INSTITUCIONEVE TË ARSIMIT TË LARTË janë zyra të ngritura pranë fakulteteve me qëllim ofrimin e këshillimit dhe dhënien e orientimeve ligjore falas.
- ORGANIZATAVE JOFITIMPRURËSE TË AUTORIZUARA janë organizata të cilat ofrojnë shërbim ligjor falas, pas marrjes së autorizimit nga Ministri i Drejtësisë për ofrimin e këtij shërbimi.

SHËNIM

Për tu informuar mbi vendndodhjen dhe kontaktet e punonjësve të qendrave, klinikave dhe organizatave jofitimprurëse të cilat janë të hapura në pjesën më të madhe të Republikës së Shqipërisë mund të na kontaktoni në:

Faqen zyrtare web të Drejtorisë së Ndihmës Juridike falas:

www.ndihmajuridike.gov.al

Numri jeshil pa pagesë:

0800 1010

Facebook:

Drejtoria e Ndihmës Juridike Falas

Instagram:

drejtoriandihmësjuridikefalas

Ndihma juridike parësore mund të përfitohet edhe ONLINE:

Në platformën www.juristionline.al

Për të garantuar aksesin e qytetarëve nëpërmjet ndihmës juridike falas, ofrohet shërbim ligjor online përmes platformës [juristionline.al](http://www.juristionline.al).

Përmes kësaj platforme çdo qytetar ka mundësi të këshillohet mbi aktet ligjore në fuqi, të drejtat dhe detyrimet e tyre; dhënien e ndihmës në hartimin dhe përpilimin e dokumenteve të nevojshme për të vënë në lëvizje administratën shtetërore ose për të kërkuar ndihmë juridike dytësore.

Përmes numrit të telefonit falas **0800 1010**

Vendosja e një numri falas është një garanci më shumë për ofrimin e shërbimeve të ndihmës juridike falas duke siguruar për qytetarët disponibilitet në çdo kohë dhe përmes disa formave. Si platforma [juristionline](http://www.juristionline.al) ashtu edhe linja e gjelbër janë masa të shtuara duke garantuar shërbime sa më pranë qytetarit.

Për të përfituar nga ndihma juridike DYTËSORE (përfaqësim me avokat falas në gjykatë/prokurori) ju mund t'i drejtoheni:

- **GJYKATAVE**
(civile/penale/administrative)
- **PROKURORIVE**
(pranë vendqëndrimit tuaj)


5 CILA ËSHTË PROCEDURA QË DUHET TË NDIQNI?

Për të përfituar ndihmë juridike parësore (orientim/ këshillim ligjor), ju mund të drejtoheni personalisht apo me anë të shërbimit postar, pranë qendrave, klinikave apo organizatave jofitimprurëse të autorizuara ku juristët, nëse plotësoni kriteret e përcaktuara nga ligji, do t'ju ndihmojnë në plotësimin e:

- Formularit të kërkesës dhe vetëdeklarimit për ndihmë juridike parësore;
- Formularin e vetëdeklarimit për të ardhurat dhe pasuritë;
- Formularin e vetëdeklarimit për kategoritë e veçanta vulnerabël (nëse përfshihen në këtë kategori).

SHËNIM

Këta formularë mund t'i gjeni në çdo kohë elektronikisht në faqen zyrtare të:

 Ministrisë së Drejtësisë www.drejtesia.gov.al

 Drejtorisë së Ndhmës Juridike Falas www.ndihmajuridike.gov.al

Ky formular, duhet të shoqërohet edhe nga disa dokumenta vërtetues të llojit:

- Çertifikatë familjare, dhe në varësi të rastit;
- Vërtetim papunësie;
- Vërtetim që trajtoresh me ndihmë ekonomike;
- Vërtetim që trajtoresh me kemp (paaftësi mendore/fizike);
- Vërtetim mbi pasuritë e paluajtshme që disponon;
- Vërtetim page bruto dhe neto;
- Vërtetim nga sigurimet shoqërore në rast të pagesës që kryhet prej këtyre institucioneve sikurse mund të jetë pensioni i pleqërisë.

Për të përfituar ndihmë juridike dytësore, ju mund të drejtoheni personalisht ose me anë të shërbimit postar pranë Gjykatës ose prokurorisë, përpara apo në fillim të një procesi gjyqësor duke plotësuar:

- Formularin e kërkesës dhe vetëdeklarimit për ndihmë juridike dytësore;
- Formularin e vetëdeklarimit për të ardhurat dhe pasuritë;
- Formularin e vetëdeklarimit për kategoritë e veçanta (nëse përfshiheni në këtë kategori).

SHËNIM

Nëse hasni vështirësi me plotësimin e këtij formulari, ju mund të kërkonti ndihmë pranë ofruesve të ndihmës juridike parësore (qendrave, klinikave ligjore, organizatave jofitimprurëse të autorizuara) të cituara më lartë që ofrojnë këshillim dhe orientim ligjor dhe më pas të dërgoni këtë formular në gjykatë apo prokurori.

Gjthashtu, personi që gëzon të drejtën për të përfituar nga forma e dytë e ndihmës ligjore, mund ta paraqesë kërkesën nëpërmjet:

- Një përfaqësuesi ligjor apo të pajisur me prokurë, (akt noterial);
- Nëpërmjet bashkëshortit/es, bashkëjetuesit/es ose një të afërmi.

Ky formular, duhet të shoqërohet edhe nga disa dokumenta vërtetues të llojit:

- Çertifikatë familjare, dhe në varësi të rastit;
- Vërtetim papunësie;
- Vërtetim që trajtohesh me ndihmë ekonomike;
- Vërtetim që trajtohesh me kemp (paaftësi mendore/fizike);
- Vërtetim mbi pasuritë e paluajtshme që disponon;
- Vërtetim page bruto dhe neto;
- Vërtetim nga sigurimet shoqërore në rast të pagesës që kryhet prej këtyre institucioneve sikurse mund të jetë pensioni i pleqërisë.

Gjykata/Prokuroria shqyrton kërkesën për përfitimin e ndihmës ligjore dhe brenda 5 ditësh pas shqyrtimit të saj vendos:

- Pranimin e kërkesës;
- Rrëzimin e kërkesës.

SHËNIM

Kundër vendimit për rrëzimin e kërkesës mund të bëhet ankim i veçantë sipas formularit tip të miratuar nga Ministri i Drejtësisë, i cili i jepet kërkuesit së bashku me vendimin për rrëzimin e kërkesës.

Në rast të pranimit të kërkesës, përfituesit i vihet në dispozicion një avokat, i cili ka për detyrë të ndjekë të gjithë problematikën e tij, deri në zgjidhjen përfundimtare të saj.

6 SI MUND TË NA KONTAKTONI?

PRANË DREJTORISË SË NDIHMËS JURIDIKE FALAS

Për çdo pyetje/paqartësi mund të drejtoheni personalisht ose me anë të shërbimit postar pranë Drejtorisë së Ndhmës Juridike Falas. Gjithashtu, për çdo ankesë tuajën mbi cilësinë e dhënies së shërbimit të ndihmës ligjore nga juristët dhe avokatët, mund të drejtoheni pranë Institucionit tonë:



adresa: **Rr. “Jordan Misja”, Godina Nr. 3, Tiranë, Shqipëri**

Faqen zyrtare web të Drejtorisë së Ndhmës Juridike falas:

www.ndihmajuridike.gov.al

Numri jeshil pa pagesë: **0800 1010**

Facebook: **Drejtoria e Ndhmës Juridike Falas**

Instagram: **drejtoriandihmësjuridikefalas**

Mos hezitoni të na kontaktoni !

Botim i Drejtorisë së Ndhmës Juridike Falas

©Ndalohet çdo prodhim, riprodhim, shitje, rishitje, shpërndarje , kopjim, fotokopjim, përkthim, përshtatje, huapërdorje, shfrytëzim, transmetim, regjistrim, ruajtje, depozitim, përdorje, dhe/ose çdo formë tjetër qarkullimi tregtar, si dhe çdo veprim cënues me çfarëdo lloj mjete apo forme.



	Tropojë Pranë ish Gjykatës së Rrethit Gjyqësor Tropojë
	Shkodër Rr.Don Bosko, pranë Gjykatës të Shkallës së Parë të Juridiksionit të Përgjithshëm,Shkodër
	Pukë Pranë ish Gjykatës së Rrethit Gjyqësor Pukë
	Kukës Rr.Eksod 99, pranë Gjykatës së Shkallës së Parë të Juridiksionit të Përgjithshëm, Kukës
	Lezhë Pranë Bashkisë Lezhë
	Dibër Pranë Gjykatës së Shkallës së Parë të Juridiksionit të Përgjithshëm Diber
	Mat Pranë ish Gjykatës së Rrethit Gjyqësor Mat
	Kurbin Pranë ish Gjykatës së Rrethit Gjyqësor Kurbin
	Durrës Pranë Gjykatës së Shkallës së Parë të Juridiksionit të Përgjithshëm Durrës
	Kavajë Pranë ish Gjykatës së Rrethit Gjyqësor Kavajë
	Tiranë Ministria e Drejtësisë
	Elbasan Pranë Gjykatës së Shkallës së Parë të Juridiksionit të Përgjithshëm Elbasan
	Lushnjë Rruga Bajram Haxhiu,pranë Bashkisë Lushnjë
	Pogradec Pranë ish Gjykatës së Rrethit Gjyqësor Pogradec
	Fier Lagjia 'Kastriot', Rr 'Ramiz Aranitasi', Këshilli i Qarkut, Kati i I, Fier
	Berat Zyra me nje ndalese, Bashkia Berat
	Korçë Pranë ish Gjykatës së Apelit Korçë
	Vlorë Pranë Bashkisë Vlorë
	Përmet Pranë ish Gjykatës së Rrethit Gjyqësor Përmet
	Gjirokastrë Blv. 18 shtatori, brenda Pallatit të Sportit, Gjirokastrë